


# მათრახი

და სალაშური

საქმე 7



ყოველ-კვირეული, იუმორისტული ჟურნალი



მგნაბე ნინოშვილი. სად წახვალ შე მართლა ფუსუნსალა შენა! ჩემი სახელით გინდა შენი სისულელე გაასაღო!

ერთი ვინმე ართმელაძე,  
 (ნიგოიის "ფუსუნსალა")  
 უსაქმობით განამწარი  
 საწერ-კალამს დიქაღა:  
 სთქვა: „მწერლობა რა ბუზია?  
 წელში უნდა წაილუნო,  
 დაუსველო კალამს წვერი  
 და ქალაღდე აფხაქუნო.“  
 დაფაკურდა. მან „ხელსაწყო“  
 მკისევე ყველა მოიპოვა:  
 დიდი ბოთლი საწერელი  
 და კალმების მთელი გროვა.  
 სტოლს მიუჯდა მდელიდურათ,  
 ლაღათ კისერ მონადერი,

აფხაქუნებს კალამს, მაგრამ  
 არ გამოდის არაფერი.  
 კირის ოფელში იჭურები,  
 საცოდავთ ქშინავს, კენესის,  
 არ იქნა, ვერ მოახერხა  
 მან დაწერა უკეთესის.  
 აღარაუინ წაიკითხა  
 ტიტეს „ნაწერ-ნაფხაქუნი“  
 და იძახის ართმელაძე:  
 „ნეტავ რით ვარ დასაწუნი?“  
 ბოლოს ხერხი მოიგონა  
 და მკითხველთა შესაძენათ  
 მისი ნიქის ნავაგლახი  
 ნინოშვილს მიაართვა ძღვენათ.

„მხელ-მომხედობა.“

ტიტე ართმელაძის შესახებ, სამწუხაროდ, ს  
ქესამეჯერ გვიხდება წერა.

„ვით ძნიად წნორი ბერ-ფუცი  
მოიღუნების წკნელათა,  
ვგრეოვე კაცი მხცოვანი  
განისწავლების ძნელათა“-ო.

ამბობს ნეტარ ხსენებული დავით გურამი-  
შვილი.

მართალია ტ. ართმელაძე არ არის მხცოვანი,  
მაგრამ ეს თქმულება მასზე ზე გამოქრილია და თუ  
ჩვენ, მიუხედავად ამ დარიგებისა, დავსწერთ ორიოდ  
სიტყვას პატივცემულ ნიგოითელ „ფუსუნსაღზე“,  
ეს რასაკვირველია არა მის განსასწავლათ.

ჩვენ მხოლოდ სხვების გაფრთხილება გვინდა.

ასე მკვახეთ ამას არ იტყვიან, მაგრამ უნდა  
ვსთქვა და შეიძლება თქმაც არა სკიროდეს, რომ  
ტ. ართმელაძე ერთი ფუყე ანუ უნიკო მწერალია.

უნიკობა, უნდა მოგახსენოთ არ არის არავი-  
თარი დანაშაული და ტიტე ართმელაძესაც ამ მხრივ  
ჩვენ ბრალს არა ვსდებთ. მაგრამ, როცა უნიკო  
ადამიანი, ანუ უკეთ ვსთქვათ უნიკო მწერალი თა-  
ვისი ჩლუნგი კალმის ნაწვერალით ასე თუ ისე სი-  
ყალბესაც სჩადის, მაშინ კი უნდა გავკეთ პასუხი,  
თუნდაც უაზრობასა და უგუნურობას.

გაზეთი „დროება“, რომელიც ბევრს არა სტო-  
ვებს სხვის თვალში, თავისიანებთან ერთობ გულ-  
კეთილია

და გინდაც ფეხი წამოჰკრას  
გათახსირების ღირესა,  
„ეს რა არისო“ არც ეტყვის  
და არცა გაიკვირებსა.

21 ივლისის ნომერში ეს გაზეთი ასე აცხა-  
დებს:

„ახალი წიგნი რედაქციამ მიიღო ახალი წიგნი:  
„პრესა და მკითხველ საზოგადოების საყურადღებოთ“  
ტ. ართმელაძისა. ფასი ერთი შაური“.

რედაქციამ, თუ ბ-ნმა ქრონიკორმა, აღარ მო-  
იხსენია ის საარაკო ამბავი, რომ ამ „ახალი წიგ-  
ნის“ შემოსავალი გადაღებულია ეგნატე ნინოშვილის  
ძეგლის სასარგებლოთ.

ტიტე ართმელაძე ეგნატეს ძეგლს უღდამს!!!  
და მერე რით უღდამს?

თავისი ბერ-ფუყე გონების ნაწარმოებით!..

ოჰ სიურცხვევ, რასწიგანხარ,  
არ აწითლებ კაცის პირსა,  
ძეგლს აშენებს ართმელაძე,  
ეგნატესთვის განაპირსა.  
დაფიქრება რასაკვირველია, სკირო არ იყო

„დროების“ ქრონიკორისათვის, რომ გაეგო ნამ-  
დვილი სულის კვეთება ნიგოითელი ფუსუნსაღისა,  
მაგრამ:

„ზოგჯერ თქმა სჯობს  
არა თქმასა,  
ზოგჯერ თქმითაც  
დაშავდების“.

ვინც ცოტად თუ ბევრად იცნობს აღნიშნულ  
ართმელაძეს და მის სულის კვეთებას, იმისთვის  
ცხადზე უცხადესია, თუ რისთვის ჩაიდინა მან ეს  
საზიზღარი ოინი. თითონ ართმელაძემაც კარგათ  
იცის, რომ მისი საჩუქარი ეგნატეს ხსოვნის შეუ-  
რაცხყოფაა, მაგრამ რა ჰქნას, რომ სხვა გზით მკით-  
ხველს ვერ იშოვის?

„ხეჩი სჯობია ღონესა,  
თუ კაცი მოიგონებსა“

და ართმელაძემაც მოიგონა ჩინებული საშვა-  
ლება თავისი უმეცრების ხალხში გასავრცელებლათ.  
მოიგონა საშვალეობა მიზნის მისაღწევათ, ჩინებული,  
მაგრამ უღირსი და შეუფერებელი პატიოსანის,  
თუნდაც უნიკო მწერლისათვის.


და წარმოიდგინეთ, ამ სიურცხვის მომქმედი  
ადამიანი თავისს „ახალ წიგნი“ ვითომ პრესის  
დაქვეითებაზე ლაპარაკობს. ის გოდებს და ქვითი-  
ნებს, რომ ქართული მწერლობა დაეცა, რომ ის,  
ტიტე ართმელაძე, აწამეს ვიღაც ქმა ბიჭებმა, რომ  
ის თავისი გენიოსობით იზაგრება მოსუელი მტრი-  
საგან. ერთი სიტყვით, ქართული მწერლობის უნი-  
კო ნაძირალა მოსთქვამს მწერლობის დაქვეითე-  
ბაზე.

„დროების“ მიერ მიღებული „ახალი წიგნი“  
ამ წინაზე „ივერიაში“ გამოახრილა საქართვე-  
ლოს არხი იეზუიტმა, მაგრამ რადგანაც ამ პატივ-  
ცემულ ორდენს მკითხველი ცოტა არ იყოს აკ-  
ლია, ტ. ართმელაძემ ის ცალკე „წიგნათ“ გამოსცა  
და რომ ხალხს ეყიდა, დააწერა: „შემოსავალი ეგ-  
ნატეს ფონდს მოხმარდება“.

ვინაც იცნობდა განსვენებულ ეგნატეს, მას  
კარგათ ეხსომება, თუ რა გარჩეული იყო ის „სა-  
ჩუქრებშიაც“. ნაჩუქარ ცხენს ის ყოველთვის უშინ-  
ჯავდა კბილებს“. და რაღა თქმა უნდა, ნეტარ  
ხსენებული ახლაც ასე მოიქცეოდა. ასეთი „ცხე-  
ნის“ ჩუქებისათვის, როგორც ტ. ართმელაძის  
„ახალი წიგნია“, ეგნატე არ დაიშურებდა თავის  
წყრომასა და რისხვას თავაშვებული მემღნისთვის,  
მაგრამ ბედი მისი, ეგნატე ნინოშვილი ვერ დაი-  
ნახავს ვერც მის მიხამღვენს და ვერც სიფლიდეს  
უნიკო მწერლისას, ხოლო სხვა ვინმე ამაზე თავს  
არ იიტყვიებს.

„დროების“ რედაქციამ რც კი დაინახა ეს სიყალბე „ახალი წიგნის“ ავტორისა, არა თუ დაკგმოს მისი ასეთი საქციელი.

ეშმაკი.



„წითელი მელა“.

I

წითლად აენტენ ვარსკვლავნი ცაში, კაცთ ჭრიამული გარშემო მისწყდა; ამომავალი ღამის მნათობის პირველი შუქი მთის მწვერვალს მისწვდა,

მკრთალი სინათლე წყვდიადს შეება, ფრთა შეაკვეცა, და გაიღიმა, ნიშნათ ღებენისა, ფოთოლ-ბალახზე მარგალიტები ააციმციმა.

მთვარის ამოსვლა ფრთოვან მგოსანმა საამო სტვენით მთაბარს ახარა, და მის წინ, ეშხით დამთვრალმა ვარდმა სინაზით დაბლა თავი დახარა.

სხვა ფრინველებმა ხმა ჩაიკმინდეს, მდინარემ უკლო განუწყვეტ ჩხრიალს, ტყემ ყური სცქვიტა, ველად ნიავეაც თავი ანება ფრთა სუბუქ სრიალს...

ჩუ! შტო შეირბა მახლობელი ხის. ვილაც ქურდულად მოიპარება, თითქოს ამასაც გადასდებოა, ვით ჯადო, ღამის ეგ მღუმარება.

„მაიკო, შენა? ჩემო ღვთაებაგ“... — „მიხა!“.. აქ ორნივე თვალთ მიეფარენ და ხეთა ჩრდილში, ვით ჩვენებანი, თითქოს შთაინთქენ, და მიიმაღენ...

ოჰ, დროე ძვირფასო, შეყვარებულთა წმინდა, ანკარა, ნეტარო წამო, გულს აღიბეჭდე იმათი სახე, რომ მათ მომავალს შენ ემოწამო!..

II

სძინავს ყოველსა. სდუმს არე-მარე. ცას ფართო შუბლი მოუწმენდია, მის ლურჯ სივრცეში მიკურავს მთვარე, ძირს ქარ-ნიავეს ხმა ჩაუკმენდია.

არლარა ისმის. შესწყდა ყიფინა, ნელ-ნელ ისუსტა მაჯისა ცემამ, ლალმა ოცნებამ კვლავ მიიძინა, გული აღავსო კაეშან-კდემამ...

ვიწრო საკანი საპყრობილისა მძინარ ტუსაღებს გულში იხუტავს, მოისმის მძიმე სულთქმა ძილისა და მკრთალი შუქი სანთლისა ბეუტავს.

რკინის ბაღიან ვიწრო სარკმელში მოსჩანს დარაჯი, სახე მოღლილი, მას ხიშტიანი თოფი აქვს ხელში, თვალთ რული მოსდის, ერევა ძილი.

გულის მომკვლელი რალაც ღუმილი გამეფებულა საპყრობილეში, მხოლოთ მოისმის მამალთ ყივილი დრო გამოშვებით ღამის სივრცეში,

და ხან დარაჯის მძიმე ფეხის ხმა თუ შეაშფოთებს სატუსალოს ძილს, თორემ სხვა ყველა არსთა სულისთქმა დაუტყვევია საფლავურ ღუმილს...

მხოლოთ საკანის ერთ ბნელ კუნქულში, ცივ იატაკზე წამოწოლილსა, არ სძინავს ტუსალს: ვარამი გულში და მწარე ფიქრი მას უფრთხობს ძილსა.

მან კარგათ იცის, რომ, მასავით, ბევრს უწყალოთ სტანჯავს უსამართლობა: ზოგი ციხეში ტანჯულ სულსა ლევს, ზოგსა ეკარგვის აზრი და გრძნობა,

ზოგი, ცივ მხარეს გარდახვეწილი, უსახრობისგან სიმშოლს განიცდის, ზოგი ძირს გდია გულ-ვახვრეტილი, ზოგს ეშაფოტზე სული ამოსდის...

ან კი რამდენი უნდა მოსთვალოს ბოროტ ძალისგან ვანაქელავი? ურიცხვი მსხვერპლი სხვა ივალალოს, თუ ჯერ იტიროს ტანჯული თავი?!.

მას თვალწინ უდგას მისი მაიკო: „რასა გრძნობს ნეკა იმისი გული? ოჰ, ერთის წამით ფრინველი ვიყო, — ენახო ის, ჩემით დაობლებული!“

გავფრინდესწრაფად, ფრთა ფრთას შემოვკრა,  
გავექრე ჰაერში, გავაპო არე,  
მივსწვდე ჩემს ღმერთას, გულში ჩავეკრა  
და მერმე... თუნდაც ცივი სამარე!..

მაგრამ ოცნება!.. მწარე სიციხადე...  
ის აქ შორსაა არემარადან!  
ვიწრო ფანჯარა, ზედ რკინის ბადე!  
სხვა გზა არცაა ამ „სამარადან“.

სასო მიხდილმა იმისმა გულმა  
ბოლმა-ამოსკენით ამოიგმინა;  
მძიმე ტანჯვისგან ქანც მიღეულმა  
ბოლოს ჩასთელინა და მიიძინა.

მაგრამ სიზმარმა იგი წაიღო:  
კენესდა, ბორგავდა იმისი გული,  
და მისი ძილიც ტანჯვის ზღვა იყო  
აღშფოთებული, აქაფებული!..

III

დილა ბნელია, უბერავს ქარი,  
არე, მიდამო გადათოშოლა,  
ცა სტირის მწარეთ, ძაძა მოსილი,  
ტყე კენესს, მთა გოდებს, ზღვა აქოჩრილა.

ადრინდელ მდელოს, გაპარტახებულს,  
ზურმუხტის კაბა ტანს არ აცვია,  
თრთის და კანკალებს მთელი ბუნება:  
სიცივისგან კანი ასწვია...

ჩუ! ზარს ჩამოჰკრეს განთიადისა.  
ქრისტეს შობაა და მოგვეცეს ცნობა,  
რომ მოწიწებით მუხლთ მოვიხაროთ  
მის წინ, ვინც პირველ გვაუწყა: „ძმობა“;

ვინც ტვირთ მძიმეებს ესარჩლებოდა,  
ვინც ხალხს სიყვარულს უქადაგებდა,  
და ქვეყნის ძლიერით, ფარისეველებს  
შეუბრუნებელ ომს უცხადებდა!

ზარს კვლავ ჩამოჰკრეს! ახლა სულ სხვაგან!..  
პასუხათ ისმის ნაბიჯი ჩქარი,  
დაიქრიალა რკინის ურდულმა:  
ციხის გალაგნის გააღეს კარი.

ეგ ამალაა, ჯარის კაცთ რაზმი:  
დანიშნულია დღეს „იატაფი“!  
ფიცხლავ ბრძანება გადასცეს საკანთ,  
ატყდა, დაიწყო მზადება სწრაფი:

ხვევენ, აწყობენ ბარგი-ბარხანას  
ისმის დარაჯთა: „გაჩერდი!“ — „წადი!“  
აგერ ერთ ურჩ ტყვეს რომ დაემუქრენ,  
და—მოუღირეს თოფის „პრიკლადი“;

ეგ მიხა არის, უბედურიძე,  
სდგას თვისი ბარგით გამზადებული,

თითქოს არც ესმის, რა ზდება ირგვლივ,  
დაღვრემილია, მოღუნებული!

ერთის წლის ციხემ დაჰკრა ბეჭედი  
მის ისედაც სუსტ აგებულებას:  
სახეს სიყვითლედ გადასდებია,  
და მუხლებშიაც არ გრძნობს შეძლებას.

მას ისტუმრებენ ცივი ქვეყნისკენ,  
და ისიც მიდის... მისთვის ერთია:  
გინდ აქ აწამონ, გინდ—იმ მხარეში,  
ყველგან ერთგვარი ჯოჯოხეთია!..

იმ ღამით სიზმრათ მან უკვე ნახა  
ის, ვისი ნახვაც ენატრებოდა,  
ტკბილი ალერსით თვალთ უკოცნიდა  
და გაგიჟებით გულს ეკვრებოდა;


ეფიცებოდა თავის გრძნობებზე,  
ისიც სინაზით თავს დაბლა ხრიდა,  
ვერ იმაგრებდა გულს, აყუჩებულს,  
და ნეტარების ცრემლებსა ღვრიდა...

ოჰ, იმ ნეტარმა უსიტყვო წუთმა  
თვით სინამდვილეს გადააქარბა!  
და ტყვეს სიციხადის ამ ჯოჯოხეთში  
ის ტკბილი ძილი კვლავ შეეხარბა.

მაგრამ... ოცნება!.. „დაეწყვეთ ჩქარა!  
გასწით!“ გაისმა ბრძანება წინა;  
დაიძრა რაზმი. ცამ ჩამოსტირა,  
ქარმაც საზარლად დაიქვითინა...

ნ. ზომლეთელი.

(დასასრული იქნება)



დ ე პ ე შ ე ბ ი.

(ეშმაკეთის დეჰეზათა სააგენტო)

**ჟენგეზ.** ადგილობრივმა პოლიციამ ყველა ქარ-  
თველების ბინა გაჩხრიკა. აკრძალული ვერაფერი  
აღმოაჩინა გარდა იმისა, რომ ერთ მათგანს წიგნის  
კითხვაზე მოასწრო. ეს საარაკო ამბავი მეორედ დღესვე  
ყველა გაზეთებში იყო გამოცხადებული. ამბობენ,  
შეკითხვას შეიტანენ პალატაში: „ჟენგევაში მცხოვ-  
რებ ქართველებს აქვთ თუ არა მეცადინეობის ნე-  
ბაო“.

**ახაშა.** ხმა დადის, ვითომც სამეგრელოს ერთ-

ერთ დაბაში ბოქაულად ქალი დაუყენებიათ. საქმე იმაშია, რომ ეპოლეტებს ქმარი ატარებს, ხოლო საბოქაულოს საქმეებს ქალი აწარმოებსო. ამ საქმეში მას ერთი ახალგაზრდა ყმაწვილიც ეხმარებაო. გამოცდილი კაცები ამბობენ: არც ერთ საბოქაულოში ასე კარგათ არ არის დაყენებული საკითხი გამოსარჩენის შესახებაო.

**ქაიდანგე.** აბაშის ბაზრის გამგეებმა საუკეთესო საშველები გამოიგონეს ანგარიშის ჩასაბარებლათ. არც ბუხვალტერია, არც ცივი ქადი. სწერენ: „დაიხარჯა . . . . . კიდევ დაიხარჯა . . . . . კიდევ დაიხარჯა . . . . . კიდევ დაიხარჯა . . . . .“

წინეთ თურმე, სხვა გამგეები იმასაც სწერდენ, რაში დაიხარჯა, რაკი ეს ახალი წესი არ იცოდენ?

**აზურგეთა.** ადგილობრივ რეალურ გემნაზიაში უკვე დაიწყო მისაღები ეგზამენები. დაბალ მოსამზადებელში ჩინებულათ დაიქირა ეგზამენი ბებურ ბებურიშვილმა, ვასილ ხუნდაძემ და პლატონ ბერიძემ. სხვები ჯერაც იჭერენ.

**სამიქაა.** პოლიციამ აღმოაჩინა ერთი გლეხი, რომლისთვისაც ჯერ არ უჩივლია ადგილობრივი სკოლის ზედამხედველ გ. მიქაძეს.

**აბაშა.** ადგილობრივ ორ-შტატიანი ეკლესიის მეორე მღვდელი რ. ჩოჩია დამჯდარი დახვედრია უფროს მღვდელს მამა ჯაკობიას. ამ საქმეზე გამოძიება სწარმოებს. ამბობენ, ასეთი ურჩობისათვის ჩოჩიას სადმე გადააჩოჩებს მამა ჯაკობიაო.

ამასთანავე გაცნობებთ, რომ ცნობილი მოძღვარი ი. ევანია ორი თვით უდაბნოში აპირებს წასვლას „ძალთა აღსადგენათ“, რომ შემდგომად მუნით დაბრუნებისა სძლიოს მასზე ამხედრებულ ხალხის რისხვასაო.

**ნაგაოთა.** ლავრენტი მღვდელმა კანცელარიის შარა გზა სულ განასუფთავა მტვრისაგან თავისი ძვირფასი ანაფორის კალთით. დღეში ათჯერ მიაკითხავს მამასახლისს შესახებ დრამა ფულისა. მაგრამ რადგანაც გლეხებს ქანქარი აღარ გააჩნიათ, ქვიანის სამკითხველო, ნაცვლად წიგნებისა, საწინდრებით აღავეს.

**თფაღისა.** გუშინ წინ ცეპელინის ჰაეროსტატით მთავარი ეშმაკი ჰროვინციისკენ გაფრინდა სარევიზიოთ. ხალხში დიდი მითქმა-მოთქმა დადის ამის შესახებ. არ იციან, სად ჩამოეშვება.

ვაფრთხილებთ ადგილობრივ ეშმაკებსა და ეშმაკუნებს.

6 ა 6 ბ.

იავ ნანა, ვარდო ნანა  
იავ ნანინაო,  
ვხედავ შვილო, ჩემმა მოთქმამ  
არ დაგაძინაო!

რას მიცქერი? ამის მიზეზს  
ჯერ ვერ მიხვდებიო  
და გაიგებ მხოლოდ მაშინ,  
რო გაიზრდებიო.

ჯერ ბავშვი ხარ, უდარდელი,  
დასჯილის შვილიო,  
დაიძინე, ნუ გაშფოთებს  
დედის ტირილიო.

დედის მხედავ ბედით ტანჯულს  
და მამას ვერაო,  
მტრებმა აღარ დაგვაცალეს  
ჩვენ მისი ცქერაო.

დღეს მივიღე, ჩემო გვრიტო,  
მისგან ბარათიო,  
მწერს: „ათასჯერ ჩამიკოცნე  
ის გოლიათიო“.

თითონ შვილო ციმბირშია  
ბედით ტანჯულიო,  
ბორკილებში გახლართულსა  
უკვდება გულიო.

რკინის ლომით, გამუდმებით  
მადნის ქვეს აფქვევსო,  
მოსვენებას არ აძლევენ,  
ქირის ოფლს აფრქვევსო.

მოშივდება,—წაუგდებენ  
გამხმარ პურს და წყალსო,  
ავად გახდეს, არვინ მისცემს  
შვილო, მას წამალსო.

სხვებთან ერთად, მამაშენიც  
სთხრის იმ სამარესო,  
სადაც მიწა მიეყრება  
ჩვენს სიმწუხარესო.

გაიზრდები და შეიგნებ  
ამ ტანჯულთ ბედსაო,  
იქნებ ეს გზა შეგხვდეს წილად  
ჩვენსა იმედსაო.

ჯერ ნორჩი ხარ, არ გიცვნია  
ქმუნვა და სევდაო,  
დაიძინე გენაცვალოს  
დასჯილი დედაო.

იავ ნანა, ვარდო ნანა,  
იავ ნანინაო,

ვხედავ, შვილო, ჩემმა მოთქმამ არ დაგაძინაო.

მაგრამ ახლა დაიძინე, მეტს აღარ ვსტიროო, შოვა დრო და მოგვესპობა ჩვენც ვასაქიროო.

ვასიკო ციმბირელი.



**რისგან შეიქმნა ქალი.**

(თავისუფალი თარგმანი).

როცა პარაბრამამ (ინდუსთა მიფოლოგიით ქვეყნიერობის შემოქმედი) განიზრახა ქალის შექმნა, დაინახა, რომ მამა-კაცის შექმნაზე მას დაუხარჯავს ყოველი ამ საგნისათვის საჭირო მასალა, რამაც ის მეტის-მეტად დააღონა. დიდი ფიქრის შემდეგ მან აიღო: შთაფრის მშვენიერი სიმრგვალე, გველის მიხერა მოხრა, საროს ტანადობა, მსუბუქი მოძრაობა ნიჟისა, ყვავილის ხავერდისებური სირბილე; ბუმბლის სიმსუბუქე, მტრედის სიმწიდე, მზის სხივის სიცილე, მიმავალი ნისლ-ღრუბლების ცრემლები, ქარის დაუდგრომლობა, კურდღლის სიციხილე, ფარშევანგის მედიდურობა, აღმასის სიმაგრე, თაფლის სიტკობა, ვეფხვის სიმკაცრე, ცეცხლის სიცხველე, ყინულის სიცივე, ბაიყუშის ლაყობა-ტიკტიკი, სიყალბე და მზაკვრობა კატისა; ყოველივე ეს პარაბრამამ ერთად შეაზავა და გააკეთა რა ასეთი მასისაგან ქალი, მისცა ის მამაკაცს სიცოცხლეში თანამგზავრად.

დაპყო რა ერთი კვირა პარაბრამასაგან ნაჩუქარ ცოლთან, პირველი მამაკაცი გამოცხადდა შემოქმედთან და მოახსენა:

— უფალო! არსება, რომელიც მომეცე შენ ცოლად მიწამლავს მე ცხოვრებას. ის განუწყვეტლივ ტიკტიკებს და დამიპყრო სრულიად. ის მუდამ სჩივის, თუმცა სამიზნო არა აქვს რა და თითქმის მუდამ ავად არის. გვედრები შენ, განმთავისუფლო როგორმე მისგან, მე არ შემიძლია მასთან ცხოვრება.

პარაბრამამ წამოიღო უკანვე თავისი უვარგისი ქმნილება.

ერთი კვირის შემდეგ მამაკაცი ხელახლა მივიდა შემოქმედთან:

— ჰე, უფალო, — აღიარა მან სინანულით, — მას შემდეგ, რაც მე განვშორდი ჩემ ცოლს, თავს მარტოხელ-უბედურად ვგრძნობ, ცხოვრება მოსაწყენად მეჩვენება, მე მოვიგონე უკვე, რომ ცოლი არა თუ მარტო ტიკტიკებდა, სჩიოდა და კენესოდა, არამედ კიდევაც მიგალობდა ტკბილი ხმით და ნაზადაც მეფერებოდა. თუ მე არ მექნება შეძლება, ის უკანვე მივიღო — იძულებული ვიქნები, აღარ ვიციოცხოლო ამ ქვეყნად.

სულგრძელმა შემოქმედმა შეიბრალა უბედური და ცოლი უკანვე დაუბრუნა.

მაგრამ არ გაუვლია სამ დღესაც, რომ ქმარი ხელახლა წარსდგა პარაბრამის წინ და დაიწყო ტირილი.

— ჰე, უფალო, — მე თითონ არ ვიცი, როგორ მოხდა ეს, მაგრამ ეხლა კი სრულიად დავრწმუნდი, რომ ცოლი მაყენებს უფრო მეტს უსიამოვნობას და სიმწარეს, ვიდრე სიამოვნებას. გვედრები შენ, განმთავისუფლო მისგან და ხელახლა წაიყვანო უკანვე.

— უმადურო! დაუყვირა მეტის მეტად გაბრაზებულმა პარაბრამამ, — წადი და გაუსწორდი თითონვე შენ როგორც იცი და გინდოდეს. მე მეტად აღარ გაგური თქვენ. შენ ამბობ, რომ არ შეგიძლია მასთან ცხოვრება, მაგრამ დღეიდან სამაგიეროდ არ შეგეძლება უიმისოდაც ცხოვრება...  
ვასო.

**შ ა რ ა დ ა.**

ამ ჩვენს პატარა შარადას, ორი შეადგენს ნაწილი და თუ დაფიქრდით მცირედი, გამოცანა ადვილი.

**პირველსა** ნაწილს, ცხოველი შეადგენს ერთი, ქალისა. სახლი თან დააქვს; თუ შეხვდი წამსვე შიგ დაიმაღვისა. მუხლის გაწევა-ნაფარდი მას ეხერხება ავთა:

გამოყოფს კოკებს სახლიდან და ხოხავს საცოდავთა.

**მეორე** ნაწილს სიტყვისას ადვილათ იცნობთ ყველანი.

იმა ოთხფეხის შვილია,  
რომლისა ვიცით წველანი.  
წინ როცა მოვწყვეტთ ერთ ასოს,  
ორი დაგვრჩება, წყვილათა;  
(შარადა ითხოვს მოწყვეტას,  
თორემ რათ მოვწყვეტთ ტყვილათა?)

შემდეგ მოვაბათ პირველსა  
მეორე სიტყვის ნაკვეთი,  
და ნახავთ: სასწაულითა  
სახლი გამოვა აგეთი,  
რომელსა: ვინაც აკეთებს  
აროდეს ხმარობს თვითანა,  
ვინაც ყიდულობს, არც იმას  
უხარის ეზოდ მიტანა:  
ვისთვისაც დანიშნულია  
ეგ სახლი სამყოფელად,  
ის ველარც ხედავს, ვერცა გრძნობს  
ენასაც დასძრავს ძნელად.

ვინაც შიგ შევა, გამოსვლა  
არ უწერია იმასა  
იქ ვერ შეიტყობს; ვერს სეტყვას  
ველარც თოვლს, ვერცა წვიმასა.  
თუ ახსნა კიდევ ძნელდება  
და აღარა სჭირს გონება,  
ერთ ისეთ წყაროს გაჩვენებთ,  
სულყველას მოგეწონება:  
„ანარქისტების“ წერილში  
ამ სახლს ხატავდენ ხშირათა...  
მისი მნახველი „ბურჯუა“  
გამაგრდებოდა ძვირათა.

კოლო.

საკვირველი ამბავი.

უბედური შემთხვევა. როგორც თეფისის კუ-  
ლუარებში ამბობენ, ცნობად ქართველ კომერსანტს, ბ-ნ  
ახობაძეს კინაღამ უბედურება შემთხვევია. მოგესვენებთ,  
ბ-ნი ახობაძე უიდას ახალ სსკალებას: „კლამპინი“  
(სიკვდილი ბაღლინჯოებს!) და აი უცაბედათ, სპერ-  
მატინის მავიერათ მას დაუღევია ერთი სტაქანი „კლამ-  
პინი“. უცებ გული შესწუხება და წაქტეულა. დიდის  
წყალების შემდეგ ბოუბრუნებიათ დონე მისდელი კომერ-  
სანტი. ექიმების აზრით ახობაძის მიერ მიღებული  
„კლამპინი“ 2000 სხვა ჯიშის ბაღლინჯოს გამოა-  
საღმებდა წუთისოფელსა.



მისტიკური.

გადაქაზრაკდა ქვეყანა,  
გამოიცვალა ყოველი  
და სანუგეშო მერმისზე  
არ ვფიქრობ, აღარ მოველი.  
სანეტარ-ტუბილო ოცნება  
იმედი განმაცხოველი,  
ზამთრის ქარ-ბუქმა წაილო,  
ვინ არის მძებნელ-მპოველი!  
ახლა დავრწმუნდი—ამ ქვეყანად,  
რომ მაჩანჩალად მოველი;  
ვდგვივარ ცხოვრების გარეშე,  
ვითარცა კათაკმოველი,  
და აღარ მინდა იქ შესვლა,  
არ მსურს, არცა ვარ მთხოველი\*).

\*) შემორე თქმული ამისა  
ეშმას არ მოეწონება!!  
ვინაც წარიკვეთს იმელსა,  
მას ძალა მოეფონება:  
ყურნი დაპკარგვენ სმენას,  
კუნთები მოედონება,  
ენა სიჩლუნგეს დაიწყებს

ან კი რა მინდა იქ, სადაც  
დახშულა კაცის გონება,  
სად ყოველგვარი ღირსება  
ლაქუციით აიწონება,  
სადაც არ თქმულა სიმართლე,  
არცოდეს გაიგონება,  
და სინდისს, სანთლით რომ სძებნო,  
ვერ ნახავ, არ იპოვნება.  
მაშორის ღმერთმა, არ მინდა  
მე იქაური ცხოვნება,  
ვივლო მარტოკა, ბოგანოთ,  
მომწონს ეს... მომეწონება.  
ცხოვრების ნაჩირაღებთან  
რა მაქვს საერთო ქონება!  
ვიცი, რომ ძაღლის ბუნაგზე  
ფინჩხები არ იშოვნება,  
და აღარც ვეძებ იქ რამეს.....  
ეს ასე მემახსოვნება.

ბლიკვაძე.

გაზარმაცდება გონება  
მომავალს ზურგსა შეაქცევს  
წარსული მოეგონება,  
ავი და კარგი ერთგვართ  
აეწონ დაეწონება,  
იტყვის ეშმაკი: შემირცხვეს  
ესე ვითარი ცხოვნება  
ოდესა აზრი ფხიზელი  
სიჩლუნგეს დაემონება.

ეშმაკი.



ასე გეკადრება!

**ზავლ.** (შემადის) დედაკაცო, შენ ხომ არ აპი-  
რობ შენი ქალიშვილის მაგიერობას? რო იფეთქე-  
ბი რაო?

**ეფემ.** აბა ჩამოჩინილუი დოღხვდე იმ კაცს?

**ზავლ.** ა, ჩემო ეფენია, თუ საქმე მოვავგარუო,  
ჩვენს გვარში ჩვენზე ბედნიერი არავინ იქნება, მა-  
მა ნუ წამიწყდება... გვარიშვილობა კარგი გვაქ  
და თუ ამას ფულეზიკ მივამატეთ, მორჩა... მდი-  
დარი სიძე ყოველთვის კაჭკაა, სულ მივყდოთ,  
რაც დაგვრჩა მიწა-წყალი და ქალაქში წავყვეთ სა-  
ცხოვრებლათ... ზოგი, რასაკვირელია, კიდევ ვამ-  
ზივთოთ... ეხლავე უნდა ჩამოვუარაკო ასე. აა. .  
ხო კარგად იქნება ეფენო ჩემი საქმე?!

**ეფემ** იცოცხლე, ჩვენ ბედს გადგვეყაროთ!  
ქუთაისი, თფილისი, ქიათურა და ბათუმი სულ  
ჩვენი იქნება... სულ გვაცხოვრებს, მოვშორდეთ ამ  
სოფელს...

**ზავლ.** მოვშორდები აბა! ნეტავი ახლობამდიც  
არ გავჩერებულყავი, რა შეგეძინა ამ დასაქცევმა  
სოფელმა? (ზაუსა) ან? იფ! გულიც რო მიჭრის ქა-  
ლო, გულიც... სწორით ბედია!.. ასე მგონია, სა-  
ქმე უკვე გაკეთებულია და მე და შენ ჩემო ეფენო  
მარშინით მივტრინინ-მოვტრინინობთ ქალაქიდან  
ქალაქში... ან? შენი გული რას გტუბნება ჩემო  
დედაბერო?..

**ეფემ.** დედაბერიც კი ხარ და მეტიც...



# ქაუთი ბურჯუაქეს.

კომედია სამ მოქმედებათ.

(იმერეთის ცხოვრებიდან)

გამოსვლა VII

(ეფემა და შემდეგ ზავლე)

**ეფემ.** შე კუდიანო, შენ! ეკურკურები იმ მა-  
სწავლებელს, მარა მოვიშლი ნარჩევს!.. (ზაუსა) მეც  
რო ლამაზათ მოვაჩვენო თავი ჩემს სასიძოს, მგონი  
არც ამით დაშავდეს რამე. ლამაზი სიდედრი ყო-  
ველთვის მოსწონს სიძეს... (იფინის და ირთება).



**ზაგლ.** კაი, ბეჩა, გემასხარე, მამა ნუ წამოწყვედბა!

**ეფემ.** ჩემი გულის კარები, შენ რაეც თქვი აი საქმე, მაშინვე გვილო... ასე მგონია, მიხეილ ბელტაძე უკვე ჩვენი სიძეა და ეხლა ცოლოურს მოდის... ისე გვიქრის ორივეს გული, სწორეთ ჩვენი იღბალია ის კაცი.

**ზაგლ.** მგონია ჩიტულია და ის ერთად სწავლობდენ სოფლის კლასში? ან? თუ გახსოვს?..

**ეფემ.** კი, კი! რაეა არა? ჩიტულიამაც თქვა.

**ზაგლ.** ჩიტულიამ თქვა? (ეფემია უმოწმებს) - აბა იმასაც ქონია რალაც გულში.. მამა ნუ წამოწყვედბა, ის კაცი ჩვენი იღბალია.. იცოდე შენ!..

**ეფემ.** გულში აქვს და მგტი არა? რაეც კი ვუთხარი, სულ გაწითლდა და სიხარულით დეიბნა.

**ზაგლ.** აა, ის კულიანი, ისა! კაცების ამორჩევა რო ქე იცის. ღმერთო, მოგვეცი იღბალი!.. (ამ დროს კარებში ერთი აურ-ზაური და მიხლამხლა ატყელება. ისმის შიმტბუქის და ჩიტრეკიას ხმა: „არა, მე შევალ უწინ და არა მე“).

**გამოსვლა VIII**

**შაშტ.** (შემოყვარდება) ბატონო, მევიდა ის კაცი, მევიდა!..

**ჩიტარ.** (ისიც შემოყვარდება) არიქა ბატონო, მოგვადგა ის კაცი!.. ქიშკარზეა, ქიშკარზე..

**ზაგლე და ეფემია.** ნუ ყვირით, ნუ თქვენ გასასრესლებო!..

**შაშტ.** ბატონო, ფაიტონიზაა, ფაიტონით.

**ზაგლ.** მამა ნუ წამოწყვედბა... (უწერება) მე გვეგებები, შენ აქ დამხედი, ის გოგოც შემოიყვანე!..

**ეფემ.** კაი, კაი... თქვენ ნუ ირევით, თქვე გასასრესლებო!.. ღმერთო, კაი ფეხზე შემოიყვანე, ღმერთო...

**ჩიტარ.** მერე რა დიდარიაო, ბატონო, იცი? ადვილი ბურჯუაძეაო, თელი სოფელი ასე იძაბის...

**ეფემ.** ცუდი დოუძახებიათ! ძალიან კარგია!..

**შაშტ.** უცოლო კილო ქე ყოფილა, ქალბატონო.

**ეფემ.** უცოლო, თვარა შენ გითხოვს, თუ არ მეერიდე შენმა მზემ! არ მოეწონები თუ?

**ჩიტ.** მე არ მიყურებს? მაგისთანა ბურჯუაძეს დავანებებ ჩემ ცუნდრუქას?

**შაშტ.** იფ, არ იზამ შენ? დეიკარგე შე გლახა, თვალ ჩამოჩინჩულო... (ჩიტრეკიას უახლოვდება, ჩუმათ უნდა ჰაოფის, მარა არ იკარებს).

**ეფემ.** წადით ახლა, უზრდელიბო! (გარეკავს კარში) ღმერთო, კაი ფეხზე შემოიყვანე ჩვენს ოჯა-

ხში მიხეილ ბელტაძე! ღმერთო დღეისწორებიზა თავზე გვირგვინით მანახე ჩემი ჩიტულია!.. (გადის, სტენა ერთხანს თავისუფალა).

**გამოსვლა IX**

(ზაგლე და მიხეილი)

**ზაგლ.** მობძანდით, მობძანდით, ბატონო, მიხეილ! მობძანდით, თქვენი სახლია, ნუ დაგვერიდებით... (შემოდის და თან დიდის მოწმებით ეხტიეება).

**მიხეილ.** გეახლებით, გეახლებით! ნუ შეწუნდებით... (შემოდის. მდიდრულათ ჩაცმულია, ჩერქესკა-შა; იარაღში ზის, „ბოსხის ქუდი ხელო უჭერია). აქამშვილობა, აქამშვილობა! (იშტაბუქა და ჩიტრეკიას კარებიდან იჭვრიტებიან. ზაგლე დაფრთხობს და ისინიც იძალებიან).

**ზაგლე.** დაბრძანდით მიხეილ, მამა ნუ წამოწყვედბათ... უკაცრავათ...

**მის.** არაუშავს... (ჟდება).

**ზაგლ.** სხვა, როგორ ვიკითხოთ, ხო კარგად?

**მის.** გმადლობთ, ვართ ასე... ერთნაირათ.

**ზაგლ.** უე კაი კაცო, რაა რო ჩვენი ოჯახებისკენ თვალი არ გიქირავსო? ცხონებული მამათქვენი დიდი მეგობარი იყო ჩემი, ძალიანიც გვიყვარდა ერთმანეთი ..

**მის.** ხომ იცით, კაცი რო საქმეებში გეებმევა, მერე ძვირათ მოიცილს...

**ზაგლ.** მერმე, რა მართალი კაცი იყო ცხონებული მამათქვენი? მამა ნუ წამოწყვედბა მთელ სოფელში მიაგზე მართალი ყაბხი ერთი არ იყო...

**მის.** აგრე მოგახსენებენ, თორემ მე ბევრი არაფერი მახსოვს მისი... (ზაგლა).

**ზაგლ.** სხვა, დედათქვენი როგორ ვიკითხოთ? ხომ კარგად?

**მის.** გმადლობთ.

**ზაგლ.** (იგინის) სხვა მიხეილ, ცოლის შერთვას აწი არ აპირებ? ასე უნდა იართო? გოუხარეთ დედას გული! აგრე რო იცით ახლანდელმა ყმაწვილებმა! ჩვენს დროში ასე როდი იყო: მოუვილდათ დრო კაცს და ქალს თუ არა, მაშინვე აიდა, თავი საყდარში... (იციინან).

**მის.** ეხ, რასაკვირელია, ცოლი უნდა შევირთო, მარა საქმე იმაშია, რომ ჩემი ყაბულის დღემდევე ვერაგრე მიშოვია და ესაა რო მაჩერებს. ფულიანიც მინდა ქალი და ლამაზიც (იგინის).

**ზაგლ.** ოო, რასაკვირელია! აბა როგორ უნდა! თქვენ ძალიან კაი ქალი გეკადრებათ... მზითე-ბიანიც, ლამაზიც, ოჯახისშვილიც... თქვენ ვერც ერთი ახნაური ვერ დაგიკავებს ქალს... მამა ნუ წამოწყვედბა...

**მას.** (ინტონით) ოო, აზნაური... აზნაური!.. (თავისთვის) შენი აზნაურობა შენს თვალეში იყოს, ძაღლები დაწოლილი გიყვებს ეზოში... შიმშილით ვერ ამდგარან...

**ზაგლ.** ოო! მამა ნუ წამიწყდება... აზნაური... ღიას...

**მას.** (გუგუშრათ) მმ... ღიას!.. (შიშტიბუქა და ჩიტრიკვას კიდევ იჭვრიტებანს. ზაგლე ქსლაც დააფრთხობს მათ).

### გამოსვლა X

(იგინივე და ეყეშა)

**ზაგლ.** რას იმალები ჩემო დედაკაცო, მოდი აქ! ასე უნდა სტუმარს დახვედრა? აგრე იცოდი შენ? ეხ, მომიხუცდა, მომიხუცდა ჩემი ფენია, ბატონო მიხეილ... (იგინის).

**ეყემ.** (გამოდის თამამათ და ესალმება) დაბრძანდით, დაბრძანდით! უკაცრავათ...

**მას.** კი ბატონო! (სხდებანს).

**ეყემ.** სხვა ხომ მშვიდობით ბრძანდებით ბატონო, დედათქვენი ხომ კარგად?

**მას.** გმადლობთ, ბატონო, გმადლობთ, კარგად...

**ეყემ.** კარგად გამყოფოს შეილო ღმერთმა...

**მას.** იცოცხლეთ. თქვენ როგორ გიკითხოთ?

**ეყემ.** დიდათ გმადლობთ, ვართ ასე... (ზაგლს) თქვე დალოცვილო, რაა რო ერთხელაც არ გადმოიხედავთ ჩვენსკენ, მანამღი უფრო იცოდით სიარული და ახლა სულ ვიკარით ფეხი. მართალია აზნაურები კი ვართ, მარა ჩვენც ადამიანები ვართ... დედათქვენი ხშირი სტუმარია ჩვენი და თქვენ კი...

**მას.** რა ვქნათ, ქალბატონო, თქვენც მოგეხსენებათ, რომ მე ნახევარჯერ არა ვარ სახლში. ხან თბილისში ვარ, ხან ქიათურაში და ხან კიდევ საღე?..

**ეყემ.** ხოო, ესეც მართალია, მარა...

**ზაგლ.** ჩემო დედაკაცო, ეს გოგო რეიქნა? სტუმართან არ გამოვა?

**ეყემ.** როგორ არა, ენაცვალოს დედა მისი! მარა მორცხვია მისი ქირიმე, მორცხვი! (იგინის) აბა, რო ვერ შეეჩვია! (მისეული ამსუნჯგუბული ათფაღიერებს იჭურბბს; ქაღის სახედას გაცონებამ უურები ადჭეუტია).

**ზაგლ.** შე ქალო, ბოვში ხომ არაა იმხელა ქალი!..

**ეყემ.** (ღიმილით, მისეულს) თქვენ და ჩემი ქალიშვილი პატარაობისას მგონი ერთათ დადიოდით კლასში... ან?

**მას.** როგორ არა, მახსოვს!..

**ეყემ.** ღიას... მისი ქირი დედა მისს, ხშირათ

იგონებს იმ დროს, დღეში ერთი ათჯერ მაინც მოგიგონებს თქვენ... დედა ენაცვალოს დედა, კეთილი გულისაა...

**მას.** ღიას... სკოლის გათავების შემდეგ ის სხვაგან წაიყვანეთ სასწავლებლათ, მე კი თავი დავანებე... მაშინ ძალიან ამხანაგები ვიყავით, ეხლა კი... არ ვიცი!..

**ეყემ.** უი, ჩემი სიკეტელი, განა ეხლა არ ეს-სომებით?! ეს როგორ შეიძლება! ჩემი შვილი ზოგიერთებივით კულაბზიკა და უკადრისი როდია!..

**ზაგლ.** რასაკვირველია, ჩემი შვილი, მამა ნუ წამიწყდება...

**მას.** არა ბატონო, მე ისე ვთქვი, საწყენათ კი არა...

**ეყემ.** თქვენ არ მომიკვდეთ, როგორ შეიძლება!..

**ზაგლ.** რა დამიქდა მისი სწავლა, რომ იცოდეთ მხეილ! პირდაპირ გვეყიდე კაცი, გვეიცალე... შვილი ასე ყოველთვის... აი თქვენც მოვასწრებს ღმერთი და...

**ეყემ.** რასაკვირველია.

**ზაგლ.** შვილის გამოზდა ჩვენს ღრში, მამა ნუ წამიწყდება...

**ეყემ.** უკაცრავად, მე ეხლავე შემოვიყვან ჩი ტულისას, მორცხვია და ალბათ ვერ შემობედა. (მიდის)

### გამოსვლა XI

(ზაგლე და მისეული)

**მას.** სხვა, ბატონო პავლე, გეცოდინებათ მე რისთვის მოვედი...

**ზაგლ.** ვიცი, ვიცი... მარა რაზე ჩქარობთ? ჯერ ვიმუშაიფოთ სხვებზე და მერმე იმასაც მოვესწრებით... ვიზაკუქსკოთ, ერთი მეორე და სხვა...

**მას.** მეჩქარება, თორემ ხათრს არ გაგიტებდით. საქმე იმაშია, რომ ის ადგილი უსათუოდ უნდა მომყიდოთ, რაც ელირება ფასს მოგცემთ. დიდი ფარგალი მინდა შეგკრა და თქვენი ადგილი მიშლის ხელს, აოდივითაა შეჭრილი...

**ზაგლ.** კი ბატონო, კი, მიირთვით. უნდა გავყიდო, აბა რაქნა. ერთი ქალიშვილის მეტი არაფერი გამაჩნია და ისიც იმას უნდა მივცე მზითებათ...

**მას.** ის ადგილი ქალიშვილს გინდათ ამზითოთ?

**ზაგლ.** (გახარებულად) ღიას, ქალიშვილს, უნდა გავათხოვო, მარა ისეთ კაცს ვეძებ, რომელიც მე გამიტანს, შვილივით უნდა შემინახოს რაღა... მართალია ჩემი ჩიტოს გათხოვება ჯერ საჩქარო არაა, მარა... (ზაგლს) ეხ, ჩემო მიხეილ!.. რამდენი მიწის

პატრონი ვიყავით მამა ნუ წამიწყვედებო ჩვენ, სპარაძეები, ეს სოფელი თითქმის სულ ჩვენი იყო, ორი ამდენი ხხვაგანაც გვექონდა, ესლა კი ზოგიერთებს მქადის მოსაწვეიც არა გვაქ, სულ გლებმა იყიდეს...

**მას.** ნახ, რას იხამთ, ცხოვრებამ ასე შეიტანა (ზაუსა) ფასი უოხარით, რა ელირება.

**ზაფლ.** ათი ქცევა... (ფიქრობს) უკანასკნელი 2 ათასი ელირება, სწორეთ მზითვიც ამდენი უნდა მივსცე ჩემს ჩიტოს...

**მას.** ოო, ეს ნამეტანი ბევრია. შეე კაცო, ხომ იცი ქადის მოსაწვეათ არ მინდა მე ის ადგილი, დიდათ არ მიკირს გეცოდინებათ, მაგოდენა ადგილი ოც ადგილას მექნება, თუ მომცემთ ხელსაყრელ ფასებში ხო კვი და თუ არა და... მე რო მაგოდენი ფული სოფელში ჩავეყარო, ხომ იცით... მე რო მაგ კუხით შევაქრა, ახლა...

**ზაფლ.** არა შეე კაცო, მე საწყენათ კი არ მიტქვამს, ჩემი სიტყვა ბეჭედი კი არაა, ქე დააკლდება.

**მას.** თქვენ კარგად უნდა იცოდეთ, რომ ახლა ძალიან დაცემული საქმეა, ქესატობა...

**ზაფლ.** რიგორ არა ჩემომიხეილ, ვიცის თქვით თქვენ რას მისცემთ?... რა ვქნა, მეც ერთი ღარიბი კაცი ვარ, ქალიშვილი უნდა ვავათხოვო, მზითი უნდა მივსცე. მართალია გვარიშვილიც კია, ოჯახისაც, ნასთავლიცაა, ლამაზიცაა და ვერავინ დამიწუნებს, მარა... მაინც... მაინც ჩემი ქონება ჩემს შვილს უნდა ექნეს მის მეტი მე არავინ ძყავს, ჩემს მერე კი სულ ყველაფერი მისი იქნება... ბევრი მეხვეწება უმზითოდ წვეიყვანთო, მარა თუ ჩემი საგაჩუღლო არ იქნა, ისე არ შეიძლება. ვინც მე მომეწონება, იმას უნდა მივცე... ასე ჩემო მიხეილ, მეც ასე მაქვს საქმე და ხომ ტყვილათ ვერ დავკარგავ.

**გამოსვლა XII**

(ივინავე, ჩიტულა და ეფემა)

**ეფემ.** შემოდი შეილო, შემოდი, ვისი გცხვენია? ერთათ გახდილი ხართ, ერთი სოფლის შვილები ხართ...

**ჩიტულ.** (შემოდის ამაყათ და ცვათესაღმება) დაბრძანდით!

**მას.** გეახლებით... სხვა როგორ გიკითხოთ ბარიშნა?..

**ჩიტულ.** გამაღობთ!.. დაბრძანდით. (მისეილი წაღება).

**ზაფლ.** მაგას რა უჭირს ჩემო მიხეილ, ნეტარებაში! სასმელი არ აკლია და საქმელი, ტანი და ფეხი... მე შენ გეტყვი უსთავლელაია!.. ყველაფე-

რი აქვს, ყველაფერი. ოღონდ ესლა ქპარი უნდა იშოვოს. (ივინახ).

**ჩიტულ.** მამა, რა არის...

**ზაფლ.** ოო, შეილო, შეილო! ტყვილია აბა, რო მონაზენათ ვერ გაგიშვებ!.. აა, შენც არ მომიკვდე, მაგი არ შეიძლება... (ზაუსა).

**ეფემ.** (ჩემათ, ქმარს) ჩვენ გავიდეთ და ესენი აქ დავტოვოთ.

**ზაფლ.** (ისიც ჩემათ) კარგი იქნება, კარგი, ილაპარაკონ...

**ეფემ.** (ხმა მაღლა) ნეტავი ის გოგო და ბიჭი რას შევბიან, გააკითხე შეე კაცო.

**ზაფლ.** ოო, მართლა კაი მომაგონე. ზაკუსკისათვის უნდა მოვემზადოთ ქალო... უცხო სტუმარს „ღვინის დასალევი“ უნდა. (მიდის. მისეილი ჩიტულაზეა მიჩურბული. ეფენა ამსხვეს ამას და უხარია).

**მას.** რაზე მოიწყინეთ ქალბატონო? სთქვით რამე...

**ჩიტულ.** ახალი თქვენ გეცოდინებათ რამე...

**ეფემ.** შეილებო, თქვენ ილაპარაკეთ და ჩვენ ოჯახს მივხედავთ... ახალგაზრდები ხართ, იქნება კარტი, ან ნარდი ითამაშოთ... (გადის).

**გამოსვლა XIII**

(ჩიტულა და მისეილი)

**მას.** (დგება ზეზე, თამაშათ) თქვენ დიდი გაზრდილხართ მას აქეთ ბარიშნა, გახსოვს კლასში ერთად რო დავდიოდით? (მიიწვევა).

**ჩიტულ.** (თავს უხერხულათ გრძნობს) მახსოვს...

**მას.** გამშვენეირებულხართ კიდევ... გალამაზებულხართ. (კიდევ მიიწვევა. ჩიტულა შეკრთება, კრადება) ჩვენ სოფელში მეორე არავინაა თქვენსავით ლამაზი, ნარნარი, ტურფა... კი გაქებდენ, მარა, როდი მეგონა თუ მართლა ასეთი იყავით, (უფრო მიიწვევა, ჩიტულა დგება) რა იყო ქალბატონო, ხომ არ გაწყენიეთ რამე? რაზე ადექით ზეზე? (თავისთვის) ღმერთო ჩემო, ეს რა ლამაზია! ღმერთმა მომქალს, თუ ეს არ ჩავიგდე ერთი ხელში, (ხმა მაღლა) უკაცრავათ, დაბრძანდით...

**ჩიტულ.** (ხაწვენი) არა უშავს...

**მას.** თქვე დალოცვილო, როგორ არა უშავს, თქვენისთანა სათუთი (ხელს უწვევს) თქვენისთანა...

**ჩიტულ.** თქვენ მგონი ზრდილობაზე მწყურალათ ბრძანდებით!..

**მას.** (შეკრთება) რათა, განა მე რამე ცუდი ჩავიდინე? ბოდიში ქალბატონო, თუ ასეა. (თავისთვის) შენ თუ არ ჩავპროშეთ ამწუთში, ისე ღმერთმა ნუ მაკოცხლოს. სანამღი წადილს არ ავისრულებ, მანამღი ფეხსაც არ გადავდგამ აქედან. (ხმა

შაღა) თქვე დალოცვილო, მე ადამიანს კი არ ვკამ...

ჩიტ. მაინც ზრდილობა საკიროა...

მის. თუ ცუდათ ვიქცევით, გვიბრძანეთ და ეხლავე წავალთ აქედან (თავისთვის) კეტი რომ მირტყას, ფეხს მოვიცვლი?

ჩიტ. როგორც გნებავდეთ...

მის. (წყენით) ეს როგორ შეიძლება? სტუმარს მიმდინით, (მაიწვევს ხელს შავფეხს, ჩიტო გაუსსლტება).

ჩიტ. ვინ ბრძანდებით თქვენ ვაჟბატონო? რა ზნეობის პატრონი ხართ? სად გგონიათ თქვენი თავი? უზრდელი, გარყვნილი! უცხო ოჯახში შემოსვლისთანავე ამისთანებს ბედავს... გაეთვრით აქედან! გათახსირებული ჩაჩი, გარყვნილი ბურჟუა... გამსუნაგებული! (გადის გაკახასეული).

მის. მოიცა შეილოსა! ძალიანს კაპასობ, მაჰა შენ თუ არ ჩავიგდე ხელში და არ ავაკრიკინე, გლახა დამიძახე. შენისთანა გაქუტული აზნაურის ქალები ბევრი შემისრესია და შენც იმ დღეს დაგაყენებ... ჯერ დაგანახო ფულები!.. გაიგონო ასიანების ტკიცინი... (შაუზა) ახ, რა ლამაზია, რა ლამაზი! რა შესახედავი იყო გულ მოსული!..

XIV

(მიხეილი, ზავლე და ეფემია)

მის. სწორეთ ძალიან დამშვენებულა თქვენი ქალიშვილი! ძალიან ლამაზი დარჩენილა, ღმერთს გეფიცებით... იფ... წუნი არ ეთქმის...

ეფემ. (გმაყოფილი) კაია, ენაცვალოს დედა მისი... (თავისთვის) ღმერთო შენს მადლს...

ზავლ. ასეა მამა ნუ წამიწყვდება, ჩემი შვილი რო გლახა გამოსულიყო... (ევეჯანი იცინიან).

მის. მარა დიდი მორცხვი კია, დიდი... ხა... ხა... ხა...

ეფემ. აბა! ზოგიერთებივით თამამი და თავაშვებული როდია, ენაცვალოს დედა... ქკვიანია...

ზავლ. როგორც მე შემფერის, მე... ხა... ხა... ხა... მამანწუამიწყვდება...

ეფემ. ალბათ შერცხვა თქვენთან მარტო ყოფნა, არა?

მის. და მერმე როგორ? ერთი ხმაც ვერ გავალბინე. (თავისთვის) ერთი იცოდე, რა დღე დავაყენე? (ხმა შაღა) სასახელო შვილი კია...

ეფემ. ეხლავე შემოვიყვან იმ კუდიანს, იმას... (გადის).

ზავლ. ნამეტანი თამამი ქალი როდი ვარგა ჩემო მიხეილ... უკაცრავად, იქნებ თქვენ კიდევ გწყენოდესთ, რომ ჩემოვო გეუბნებით, მარა მამანწუამიწყვდება მე ყველაზე ასე ვიცი, ვინც მი-

ყვარს... ჩემს თავს ვფიცავ, რო პატარობიდან მიყვარხართ...

მის. არა უშავს, მე მიყვარს, როცა კაცი უბრალოთ მექცევა.

ზავლ. (იცინის) ოო, აგრე, აგრე! მეც ეს მიყვარს. (ამ დრას ეფემიას ძალით მოყავს გულმოსული ჩიტუღა, რომელიც კარებში გაუსსლტება და გაქცევს).

ეფემ. რა მორცხვია, რა, ეს გაძვირებული! რაეა გამექცა?..

ზავლ. აა, შე ეშმაკო, შენ!.. ჩიტო, ჩიტო!.. (თითით კმუქრება, სკერთო სიცილია, ევეჯანზე გამსიარულეული მიხეილია. ამ დრას შემოყვარდებიან ჩიტირეკია და შიმტებუქა).

ჩიტად. ბატონო, რამია საქმე, ჩვენც ვიცინებთ...

ზავლ. აი თქვე ტუტუცებო, თქვენ!.. დეიკარგეთ აქედან!.. (ისინი გარბიან).

ფ ა რ დ ა.

(დასასრული იქნება).

ვ. მალაქიაშვილი.

მათრახნის ფოსტა.

ბათუში. ა. ცი—ელს. თქვენ კი გვთხოვთ, მაგრამ თქვენი ლექსი არ გვანებებს თავის დაბეჭდვას.

„ვზივარ მარტოდ, გულის ძვერით შევსცემქვ მალლა ლაქვარდ ცახა, და მწუხარე ხან სიმღერით ძირს ჩავიქნევე ტანჯულ ტანსა“.

საზოგადოთ ისეთ უსიამოვნო მდგომარეობაში, რო გორშიაც ოქვენ ეს ლექსი დავიწერიათ, „ტანჯულ ტანს“ კი არა, თავს ჩაიქნევენ მხოლოდ და იტყვიან: „არა შეჯდა მწყერი ხესა,.. არც მე დავწერ ამის მეტსაო“.


სადმი. ასკ ს პირელს. არ დაიბეჭდება.

სპირი. ორ-სოფელელს. არც ვალოდია „კვირტიასა“ და არც ვალოდია „ქუქის“ შესახებ წერილები არ დაიბეჭდება.

ოქრიბა. მოწაფეს. ასეთი ფსევდონიმიც რომ არ მოგწერათ, თქვენი ლექსიდან ცხადთ ჩანდა, რომ თქვენ მოწაფე ბრძანდებით.

„ცას ანათებს ვარსკვლავი, დაკარგვია მზეს სხივი, ბაღში ჭყვიის ბუღბუღი, ტყეში ლილინებს დათვი მე კი არ მტოვებს სევდა, თავი მიხმება კრული, უდროოთ სიყვარულმა დაჩაგრა ჩემი გული“.

აქ საინტერესო მხოლოდ დათვის ლილინი და „თქვენი კრული თავის გახმობა“.



ქ. ქენევა.

ნაპირის ქუჩა, სახლი 13.

ქამელეონ ქორიძეს.

„კარგი რამ გვჭირდეს გვიკვირდეს,  
ავი რა საკვირველიაო“

უთქვამს შკოსნს და ეს თქმულეა მართლაც რომ ზე გამოჭრილია დღე  
ვანდელ ჩვენს ცხოვრებაზე.

დღეს ჩვენ განვიცდით „ზრესის დაცემის“ ხანს!

ვევლას ადგილობრივი გასული ამაზე სტირის და მოსთქვამს, ეველას „ცნობილი“ მწერალი ამ საკითხს ეხება და არგვეს. მიუხედავად ამისა ჟერ საკითხი განურკვეველია და „ზრესის დაცემის“ საქმე პროგრესიულათ მიმდინარეობს განვითარების გზაზე.

როგორც სარწმუნო წყაროებიდან გავიგე, არც თქვენი, ქენეველი ქართული კოლონიის საქმეა ძლიერ აუვავებული, მაგრამ ჩვენსას ალბათ მაგიც სკობია. თქვენ ადმინისტრაციული თვითნებობის მუხრუსში ხართ შებოჭილი და ის გაბრკალეობ, ხოლო ჩვენ, ასეთი შევიწროებისაგან სრულიად თავისუფალთ მართა ქართული სიზარმაცე და დაუდევრობა გვიდებს ბოლოს.

ამ დღეებში მომხდარ ინციდენტთა შორის ეველასზე მეტ უურადღებას „მიმინოს“ ამავეი იმერობს, ხოლო ეველასზე ნაკლებს ტიტეს იანბაზობა. ორივე ზრესის დაცემას შეეხება და ამ წერილში ადარ ვეხები, რადგან ცალკე მოხსენებებშია გარკვეული და ამ ეპისტოლეისთან ერთად ისიც გაეგზავნება.

ახლა, თქვენი უკანასკნელი თხოვნისამებრ, მოგახსენებ ჩემს აზრს ჩვენებურ დრამატურგების შესახებ და აქედან თქვენ როგორც გინდოდეს, ისეთი დასკვნა გამოიუფნეთ.

დრამატურგობა, ბ-ნო ქამელეონ, ერთგვარი სენია დღევანდელი ჩვენი საშალო, თუ გიცე საშალო ინტელიგენციისა. რომელ ნაწილობთანც გინდა შეხვიდე, რომელი რედაქციის თართ გინდა გასინჯო, ეველას შეგვლევით რამოდენიმე თუ არა, თითო ცალი ხალი ზელსაწერი დრამისა. სწერენ უდმერთოდ, დაუზოგველათ.

ჭკვიანი კაცებისაგან გამოგონია: როცა ვინმე Perpetuum mobile-ს (მუდმივ მოძრაობა) დაუწეებს ძებნას, იმისი საქმე ჭანდრეკულათ არის შესახებ კეთილ განიერებისაო. არ ვიცი ეს რამდენათ მართალია, მაგრამ როდესაც მე რომელიმე ჩვენებურ კორესპონდენტზე გავიკებ: „ამან ეს და ეს დრამა დასწერაო“, გული სიბრალეულით მივსება და თვალეები ცრემლეებით. იგი მშვენიერი, კარგი მოსაქმე ახალგაზრდა; გიუფარს გულწრფელობისა, გაბედულობისა და თავდადებისათვის; ერთი სიტყვით ზატოეს სცემ, როგორც საუფარულ მუშაკს და ერთ მშვენიერ დღეს ხედავ, რომ მასაც დრამა დაუწერია!

ოჰ, დმერთო ჩემო! რომ ვიცნოდე ვინ მოიგონა ეს ოხერი დრამები!!  
თქვენც, ბ-ნო ქამელეონ, არ გინცნობთ, მაგრამ როცა გავიკებ, რომ დრამა დაგიწერათ და ისიც „ჩაშუში“, ერთობ ადმეძრა გულში გრძობა მწუხარებაში თანაგრძობისა. ქართველებს ბუერი ჩაშუშები გვევლად და გვევლად, მაგრამ თითოზე თითო დრამის წერა ხომ არ შეიძლება, ჩემო კეთილო? და თუ არ ვცდები, თქვენი დრამა „ჩაშუში“, ეს შეცხრე დრამა ქართულ ენაზე ჩაშუშობაში მინახდევინ.

მე რა რჩევა უნდა მოგცე ამ სამწუხარო ამბის შემდეგ, როგორ უნდა გავკურნო თქვენი მწუხარება, ადარ ვიცი. თუ შეგიძლიათ, დატანეთ თავს ძალა, გადაეჩვიეთ ამ საგალალო წესს. შეგიძლიათ მაგალითად, ჟიბეში მოხალეული „სემიჩკა“ იქნითოთ და როცა დრამატურგობის სურვილი იერაშს მოიტანს თქვენს არსებაზე, ამოდოთ ჟიბიდან სემიჩკა და ტკვერა დაუწეეთ. ამ სხით ბუერი ენერგოული ადამიანი ზაზაროზის წევას ეჩვევა, და დრამატურგობა რაღა ისეთი დაუძლეული რამეა.

ახლა კი მშვიდობით. იმედი მაქვს, ჩემ რჩევა-დარიგებას საწყენათ არ მიიღებთ და შემიღებთაც მომხართყო, თუ ასეთი უბედურობა რამ კიდევ შეგაშთხვევა.  
ეშმაკი.



# წერილები ეშვანისადმი

**სამტრედია.** სამხედრო წესების მოხსნა პირველ ყოვლისა ფოსტის მოხელეებმა წილდესასწაულეს.

დროს ატარებენ საამის  
დღიან-ღამიან ხარობენ,  
არღანსაც ეტანებიან  
ღუღუკსა არა კმარობენ.

სიცხეც ხელს უწყობს რასაკვირველია ღამით  
დროის ტარებას და დღითი ნეტარებას.

მარტო ალექსი ჩხენკელი  
დადის მღუმარე ქუჩადა,  
საბრალო! ეშვას დაეძებს  
ძებნა კი მიდის ფუჭათა.

**ენჭერი.** ადგილობრივ მოსამართლეებს ერთი თვისატეხი საკითხი გაუჩნდათ გადასაწყვეტი.

საქმე იმაშია, რომ სამტრედიის მახლობლათ დაიჭირეს ორ სართულიანი ცხოველი. ზედა სართულს შეადგენდა სტრაფნიკი ისმაილი, ხოლო ქვედას ილარიონის ცხენი. ორივენი ერთად ქობულეთისკენ მიეშურებოდენ. ასტყდა საჩივარი იმის შესახებ თუ ვინ ვის იპარავდა: ცხენი ისმაილს, თუ ისმაილი ცხენს. ენახოთ სამსჯავრო როგორ გადასწყვეტს ამ საინტერესო დავას.

პატარა ჯზიკი.

**დაბა აბაშა.** (სამეგრელო) ივნისის შუა რიცხვებში აქ სამწუხარო ამბავი მოხდა: ადგილობრივი ფოსტალიონი ი. გავუა, რომელიც თავისის პატიოსნებითა და საქმის ცოდნით გაცილებით მაღლა იდგა აქ ყოფილ ფოსტალიონებზე, შეუბრალებლად მოკლეს უბრალო თოფით ადგილობრივ ფერშალ ს. ვაბილიას სახლში ვახშმის დროს. მიუხედავად იმისა, რომ ეს შემადრწუნებელი ამბავი

მოხდა ზედ ბოქაულისა და სტრაფნიკების ბინასთან, არც ერთი პოლიციელთაგანი და სტრაფნიკი წამლად არ იშოვებოდა, ყველანი თითქოს განგებ საღდაც გადაკარგულიყვენ. ექვი მაშინვე მიიტანეს ადგილობრივ ბოქაულის ნათლულ მატახური-ზე, რომელიც ერთი თვის წინეთ აბაშის ფოსტაში იდგა სტოროჭათ; იქიდან გამოგდების შემდეგ აბაშის ბოქაულთან იდგა და ეხმარებოდა მას გადმოწერაში. ბოქაულმა ხელის დაფარება დაუწყო მატახურიას და არც კი დაატყვევა, მაგრამ მაზრის უფროსმა ვაჭრების თხოვნით ადგილობრივი ბოქაული განაშორა ამ საქმის ძიებას და დანიშნა სხვა, რომელმაც ბევრი საბუთები აღმოაჩინა მატახურიას გამამტყუნებელი, სხვათა შორის თოფიც იპოვა თვით ბოქაულის სახლში. მატახურია გაგზავნეს სამაზრო ციხეში.

— დამტკიცდა აბაშის ფოსტასთან ტელეგრაფის განყოფილება, აპარატიც ჩამოტანილია, მაგრამ შიშის ქარები მიპყრობს, ვაი თუ აბაშმა ტელეგრაფისტმა, მხარი დაუჭიროს ბანქოს თამაშში ფოსტის უფროსს; უკანასკნელის ბინიდან ყოველ ღამ გაისმის ხოლმე „ჩერეზ, ჩერეზ, ფას.“

აგენტო.

**ს. სამიქაო.** (სამეგრელო) აქ ყოველ ოთხშაბათობით იმარუება ბაზრობა, რასაც უმეტეს წილ მოარშიყე ქალვაეები ესწრებიან. არშიყობა პირველ რიგზეა დაყენებული, თითქოს უამისოთ ბაზრობა მოისპობა.

ადგილობრივ სამინისტრო სკოლის მასწავლებელი გრიგოლი მიქაძე დღეს არ გაუშვებს ისე, რომ ვისმე არ უჩივლოს. ხონისა და აბაშის ფოსტის უფროსები განცვიფრებაში მოდიან გ. მიქაძის მიერ ამდენი პაკეტების გზავნით. ყველა მოხელეს, როგორც სამოსწავლო უწყებისა, ისე პოლიციისას

თავი მობეზრებული აქვთ ამ მასწავლებლის საჩივარ-რაპორტებით. უჩივთ საზოგადოებას, მამასახლის, მწერალს, ბოქაულს, ინსპექტორს, ერთი სიტყვით ყველას, ვისაც მასთან რაიმე დამოკიდებულება აქვს. საზოგადოებამ ბევრჯერ ითხოვა მისი გადაყენება, მაგრამ ამოდ, არავინ უსმინა. სკოლის სტოროკე-ბი შავ-დღეზეა მიყენებული, ყოველ დღე 20-30 ვე-რსტს აკეთებენ, ხან ხონში, ხან სამტრედია აბაშაში. ძმაო ეშმაკო, სცადე. შენი მწარე მათრასი, ეგება ამან გაასწოროს ეს ვაჟ-ბატონი.

....ძე.

**თამაშ. ქარვასლა.** ძმაო ეშმაკო! შეჩერდა თქვენი მათრასის ტრიალი და შეჩერდა ნოქრების ცხოვრებაც. (რასაკვირველია დიდი უმცირესობის გარ-და) სამაგიეროდ დიდი ხანი არაა რაც კვლად მოჰკიდეთ ხელი თქვენს კურთხეულს მათრასს და მეც დიდი სიამოვნებით ვეგებები რა მაგ ამბავს, მოგ-მართავ თხოვნით და იმედია უყურადღებოთ არ დასტოვებთ ამ ჩემს თხოვნას.

წინეთაც ბევრი იყო, მაგრამ როცა გაიგეს ეშმაკი არას ამბობსო მერე დღე დღეზე ემატა თქვენურათ შესამკობი ვაჟ-ბატონებს. იქნებ იფიქროთ რომ მათი გამათრახება არ არის საჭირო?.. გარწმუნებთ, რომ მათთვის მართლა გამათრახებაა სა-ჭირო, თორემ რაც შეეხება ჟურნალ-გაზეთებში შემკობას, ეს მათთვის არაფერია, ისინი ვერაფერ-საც ვერ გაიგებენ. ან კი საიდან უნდა გაიგონ რო-ცა გაზეთში თვეში ეთხელაც არ კი ჩაიხედავენ...

უმუშევრების დახმარებაზე არავინ ყურსაც არ იბერწყავს, ანკი საიდგან დაეხმარებიან როცა თა-ვისთვისაც არა ყოფნით, რაღაც ექვს-შვიდს თუ-მანს იღებენ თვეში. ჩაცმა უნდათ, დახურვა, ქამა-სმა, ქეიფი, ორთაქალა-ავქალა, ფუნიკულიორი, ვერის ბალები. მოდი და ყველა ამეების შექდგე დაეხმარე უმუშევარს. საიდგან?.. ერთი ადგილი არის (იმას ჩუმთ გიჩვენებ ჩემო ეშმაკო) იქ საზო-გადოთ დიდი დებატები აქვთ შაფათ სადამოკობით „პარტიებზე“, სხვა კი არა იფიქროთრა. ეს ის პარტიაა, სადაც ხშირათ ახმარებენ სიტყვებს: „დუ-პლექტ სერდინ“, „ბლასჟი ტუზ“, „პარტია“ მო-ვიგე“, „პარტია“ წავაგე და სხვა.

სხვა არა მინდარა, ერთი მათთვის ქეიფობის დროს გაყურების: რა მშვენიერი სადღეგრძელოე-ბი იციან, გაუმარჯოს იმას, ვინც... უკაცრავათ კარგათ არ მახსოვს, მგონი ოთხი კედლები უნდა იყოს, დიხ, ასეა... დახმარება კი... დახმარებას შენგნით ვეღოთ ძმაო ეშმაკო და ამ თავით გეუბ-ნები, რომ ჩვენსკენ თუ შემოიარო, უმათრასოთ არ

წამოხვიდეთ, ერთს ვინმეს თუ თანაშემწეს იშო-ვით, ძალიან კარგი იქნება, თორემ მარტო თქვენ ვეკვობ, რომ აუვიდეთ ყველას გამათრახებას. გე-ლოდებით მოუთმენლათ.

რ. ჯ.

**ახალ-სენაკი.** ძმაო ეშმაკო! იმედი მაქვს, ჩვენს ყველასაგან მოძულებულ კუთხეს, შენ მიანც მოხედავ. საქმე კი ბევრის უბევრესი გვაქვს შენ-თან შესახვეწი. მოგესხნება, კულტურის გასავრცე-ლებლათ სკოლას დიდი მნიშვნელობა აქვს და კი-დევაც აპირებენ აქეთ პროგიმნაზიის გახსნას, მაგ-რამ პატივცემული სპირიდონი არ არის ასეთი აზ-რისა. ამიტომაც გთხოვთ, ისევე შენ შეაგნებო მას ეს ქეშმარიტება, რა საშვალეებითაც გინდა.

თუ ვინიცობაა ჩამოხვიდე, გთხოვთ სიფრთხი-ლით მოგპყრათ მედიტონს, რომელიც გზას კენ-ქავს და ურჩ მუშებზე გულ მოსულმა შეიძლება ჯავრი შენზე იყაროს.

ჩუმი ეშმაკი.

**წერილი რედაქციის მიმართ.**


ბატონო რედაქტორო! ნუ თუ რაიმე უკანა აზრები იმალებოდა თქვენს სიტყვებში, როცა, ათ ივნისს, შემპირ-დით: „თუ სამედიატორო სასამართლოს დადგენილება არ დამკარგვია, უთუოდ დავებუდვავ, და თუ დეკარგული აღმო-ჩნდა, იმ შემთხვევაში ამას მიანც გამოვაცხადებო“. მე რას-აკვირველია არა მჯერა აქ რაიმე ფარული აზრი იმალებოდეს და გთხოვთ მაცნობოთ, რამ გამოიწვია თქვენი დაპირების დაიწყება.\*)

ეშმაკუნა.

„გარსკვლავის“ მეხუთე ნომერში ვილაც „იგანი“ ქე-ბათა ქებას ასხაშს აბაშის ყოფილ ექიმს ბუზინდერს. „ი-განს“, რასაკვირველია უფლება აქვს, ვინც უნდა ის აქოს, მაგრამ როცა ის გადასწვდა „ეშმაკის მათრასში“ მოთავსე-ბულ ჩემს კორესპოდენტის იმე ბუზინდერის შესახებ, და იმ კორესპოდენტის დასარღვევით ასეთი საბუთი მოიყვანა: „იმ ქორის გასფანტავთ ბევრს ლაპარაკობდა ის ფაქტიც,

\*|დავარწმუნებთ პატივცემულ კორესპოდენტს, რომ რე-დაქციას ამ შემთხვევაში არავითარი სხვა მოსახრება არ აბ-რკოლებდა გარეშე იმისა, რომ მედიატორეთა დადგენილება დაიწყარვა, რადგან იმ დროს მოვიდა რედაქციაში, როცა გა-ზეთის გამოცემა კარგა ხნით შეჩერებული იყო. გარდა ამი-სა რედაქციას არ ეგონა, თუ ამ დადგენილების დაუბუდლა-ობას ასეთი გრძელი კული გამოებოდა და ბ-ნი ეშმაკუნას მოწინააღმდეგე მოძღვარი ამის შესახებ კორებს ვაავრცე-ლებდა. ამის გამო ჩვენი რედაქცია დაბეჯითებითა სთხოვს პატივცემულ მედიატორეთ: წარმოგვიგზავნონ შერეო ცალი მათი დადგენილებისა გაზეთში დასაბუდვაფათ.

მათრ.-სალ. რედაქცია.



მოგზაურობა პროვინციებში.

რომ ბუზმინდერს გადასახლების დროს გლეხები ულომეს მადლობას უხდიდნენ\*.) აქ კი განმაცვიფრა ბ-ნი იაკანის „სიფაქიზემ“.

როგორც აბაშის საზოგადოებას მოეხსენება, აქედან წასვლის დროს ბ-ნი ბუზმინდერს ჯერ აფთიაქის პატრონმა კანდელაკმა და შემდეგ ბოქაულმა გეგენავამ გაუმართეს სადლილი. ნუ თუ ეს ორი კაცი შეადგენს გლეხებს, ბ-ნი იაკანო? სირცხვილი თქვენ, რომ ტყუილსაც ამბობთ და გლეხებსაც შეურაცხყოფას აყენებთ ასეთი შედარებით.

**ფოთელი.**

ბატ. რედაქტორო! თქვენს გაზეთში ხონიდან „ხ. ხ.“ კორესპონდენცია დაიბეჭდა. „ხ. ხ.“ თავის წერილში ცრუ ხმებს ავრცელებს ადგილობრივ სამკითხველოს შესახებ. ის ამბობს: „ხონის სამკითხველოში გაზეთების მჭამელი აღმოჩნდა და დღეში ორ-სამ გაზეთს მიირთმევს“.

აგერ თვე ნახევარია, სამკითხველოს გამგეთ ვიმყოფები და ასეთ შემთხვევას ჯერ აქ ალაგი არა ჰქონია\*\*). უმჯობესი იყო, ბ-ნი „ხ. ხ.“-ს ჯერ საქმის ნამდვილი გარემოება გაეგო და შემდეგ დაეწერა.

**გიგლა ძებუკე.**

\*.) ესეც ადვილი შესაძლებელია, მაგრამ თუ უხდიდნენ მადლობას, ალბათ იმითომ, რომ თავიდან შორდებოდა სოფელს. ლიახოვი რომ სპარსეთს მოშორდებოდეს, ან მეხუზულა „გეორგიის“ საზოგადოებას, დიდ მადლობას შესწირავენ, როგორც სპარსელები, აგრეთვე „გეორგიის“ წევრები.

ეშმაკი.

\*\*.) ჯერ საქმე გამოუჩვენებელია, მაგრამ სიამოვნებით აღვნიშნავთ, რომ ხონის სამკითხველოში არ მიირთმევენ არც ძველსა და არც ახალ გაზეთებს.

ეშმაკი.

**შეცდომის განსწორება.**

ბ-ნი ხუჭუას მიმართ მოთავსებულ წერილს შეცდომით აწერია სვედონიმი კრუშევაწი, უნდა იყოს „სათანა“ რედ.

იუძორისტულ-პოპულიარული, ეოგელ-კვირული, სურბათებიანი ჟურნალი

# „მათრასი და სალამური“

წელიწადში ღირს 5 მან., ნახევარი წლით— 2 მან. 50 კ., ერთი თვით— 50 კაპ.

ვინც წლის ბოლომდის გამოიწერს და ღირე ბულ ფასს (2—50) სრულად გამოუგზავნის რედაქციას, გავგზავნება აგრეთვე უკვე გამოსული „სალამურის“ ალმანახები 7 ნომერი.

მიიღება დისაბეჭდი განცხადებები: პირველ გვერდზე სტრიქონი 20 კ., უკანასკნელზე— 10 კ.

ღრთებითი რედაქციის ადრესი: Тифლისь, Типография Т-ва «Шрома» Василию Болквалдзе.